

Umhverfis- og auðlindaráðuneytið
b.t. skrifstofu umhverfis og skipulags
Skuggasundi 1
150 Reykjavík

Reykjavík, 31. október 2019
UST201910-055/A.B.B.
04.03

Umsögn um drög að reglugerð um skráningarskyldan atvinnurekstur

Vísað er til máls í Samráðsgátt stjórnvalda um drög að reglugerð um skráningarskyldan atvinnurekstur.

Í drögum að reglugerð um skráningarskyldan atvinnurekstur er gert ráð fyrir að rekstraraðilum verði skylt að skrá tiltekna starfsemi í miðlæga rafræna gátt hjá Umhverfisstofnun í stað þess að sækja um starfsleyfi fyrir starfseminni, sbr. 8. gr. laga nr. 7/1998 um hollustuhætti og mengunarvarnir.

Gert er ráð fyrir að Umhverfisstofnun gefi út starfsskilyrði sem gilda um reksturinn og heilbrigðisnefndir sveitarfélaga hafi eftirlit með þeirri starfsemi sem reglugerðin mun ná til.

Umhverfisstofnun gerir eina athugasemd við fyrirliggjandi drög. Í 4. mgr. 4. gr. draganna segir að:

„Umhverfisstofnun skal leiðbeina rekstraraðila um hvaða reglur gilda um starfsemi hans.“

Stofnunin gerir tillögu að orðalagi verði breytt þannig að 4. mgr. 4. gr. hljóði svo:

„Umhverfisstofnun skal senda rekstraraðila viðeigandi starfsskilyrði sem gilda um starfsemi hans.“

Umhverfisstofnun heldur utan um skráningarkerfið og sendir rekstraraðilum viðeigandi upplýsingar um starfsreglur sem gilda eiga um starfsemi hans og hefur þær jafnframt aðgengilegar á vefsvæði sínu, sbr. 2. mgr. 5. gr. draganna. Það er svo viðkomandi heilbrigðisnefnd sem fer með eftirlit með skráningarskyldum atvinnurekstri sbr. 9. gr. draganna, þar með talið að veita frekari upplýsingar um kröfur sem gilda um starfsemina.



Agnar Bragi Bragason
teymisstjóri

Virðingarfyllst



Frigg Thorlacius
lögfræðingur